

Հ. Ա. Գևորգյան

ԴԻԱԼԵԿՏԻԿԱՆ ԵՎ ԲՆԱԳԻՏՈՒԹՅՈՒՆԸ

Իրևանի թանգարանների փոխադարձորեն կապակցված ամբողջության զարգացումը և այդ զարգացման ամենաբնականորեն օրինաչափությունները (հակադրությունների միասնությունն ու պայքարը, քանակական փոփոխությունների անցումը որակական փոփոխությունների, զարգացումը հակասության միջոցով կամ բացասման բացասումը) ներհատուկ են օբյեկտիվ աշխարհին, բայց դրանց հայտնադործումը, ըմբռնումը և դիտակցված կիրառումը դիտական հետազոտության մեջ, այսինքն՝ դիալեկտիկայի մասին ուսմունքի ստեղծումը պատմական երևույթ է:

Բնագիտության կողմից օբյեկտիվ աշխարհի դիալեկտիկայի դրսևորումների հայտնաբերումը նախապատրաստվել է նրա մի քանի դարերի զարգացմամբ, ընդ որում այդ զարգացման առաջին փուլին հատուկ էր դիալեկտիկայի հակադրությունը կազմող մետաֆիզիկական մոտեցումը աշխարհի նկատմամբ բնության հավերժորեն շարժվող ու կենդանի մարմնի մասնատումը, «փրահատումը» և յուսպի սով երևույթների քննումը իրարից անջատ, անշարժության մեջ: Բնության նկատմամբ այսպիսի մոտեցումը կարող էր գոյություն ունենալ և գոյություն ունեցավ այնքան ժամանակ, մինչև որ այդ եղանակով բնագիտության ձևեր բերած արդյունքներն իրենք սկսեցին հակասել այդ մոտեցմանը, այդ եղանակին: Բնագիտության զարգացման այս հակասականությունը պատմականորեն անհրաժեշտ և տրամաբանական է, քանի որ մարդկային ճանաչող միտքը, աշխարհի՝ որպես զարգացող ամբողջության մասին գիտական պատկերացում կազմելուց առաջ, պետք է հարստանար բազմաթիվ փաստերի գումարով, բավականաչափ գիտելիքներ կուտակել առանձին երևույթների մասին:

Այդպիսի գիտելիքների կուտակմանը զուգընթաց բնագիտության մեջ աստիճանաբար թափանցում էր երևույթների փոխադարձ կապի և զարգացման գաղափարը. ավելի ճիշտ՝ բնագիտության զարգացումն ինքնին անխուսափելիորեն տանում էր դեպի այդ գաղափարի ձևակերպումը՝ բնության մեջ օբյեկտիվորեն իշխող դիալեկտիկայի աստիճանական հայտնադործումը, իսկ մյուս կողմից էլ բնագիտության առջև ավելի ու ավելի հրամայաբար էր ծառանում աշխարհի երևույթներին դիալեկտիկորեն մոտենալու անհրաժեշտությունը: Բայց այդ հայտնադործություններից և այդ անհրաժեշտությունից մինչև դիալեկտիկայի դիտակցված կիրառումը դեռ շատ հեռու էր: Նույնիսկ այդ բանից հետո, երբ արվեցին բնագիտության երեք խոշորագույն հայտնադործությունները՝ երբ կատարվեց բջջի հայտնադործումը, որի շնորհիվ պարզվեց օրգանական ամբողջ աշխարհի միասնությունը, ձևակերպվեց էներգիայի պահպանման և փոխակերպման օրենքը, որի մեջ արտահայտություն գտան մատերիա-

յի և շարժման հավիտենականությունը և հարատև շրջապատույտը, հանդես եկավ Դարվինի տեսմունքը, որը երևույթների կապակցության, զարգացման և փոխակերպման նույն գաղափարի հաստատումն էր կենդանի օրգանիզմների աշխարհի նկատմամբ,—նույնիսկ այս հայտնագործություններից հետո էլ բնագետները պատմական անխուսափելիությամբ շանցան դիալեկտիկայի գիտակցված կիրառման:

Իսկ ինչո՞ւ: Նախ այն պատճառով, որ այդ հայտնագործությունները, իրենց բնույթով լինելով դիալեկտիկական և այս իմաստով խոշոր շրջադարձ նշանավորելով բնագիտության ու նրա աշխարհայացքային հիմքերի զարգացման ասպարեզում, այնուամենայնիվ բացահայտում էին օբյեկտիվ աշխարհի դիալեկտիկայի ոչ ամբողջ էությունը, ոչ ամբողջ հարստությունը, այլ, գլխավորապես, հաստատում էին աշխարհի միասնությունը, փոխադարձ կապակցությունն ու երևույթների փոխակերպումը: Սրանից, այնուհետև, բխում է, որ այդ հայտնագործությունները լրիվ չէին խորտակում նախկին, գլխավորապես նյութաբանական, հայացքը աշխարհի նկատմամբ, այնպիսի հեղափոխություն չէին բնագիտության մեջ, որը պահանջեր լրիվ հրաժարվել մեխանիստական և մետաֆիզիկական մեթոդոլոգիայից, հասցներ մետաֆիզիկական մտածելակերպին հակադիր իմացաբանական հետեությունների: Այս կապակցությամբ արժե հիշատակել Լենինի կողմից դիալեկտիկայի սահմանումը որպես «ռամոնք զարգացման մասին՝ իր առավել լրիվ, խորը և միակողմանիությունից ազատ ձևի մեջ, ուսմունք մարդկային գիտելիքի հարաբերականության մասին, գիտելիք, որը մեզ տալիս է հավիտենասլես զարգացող մատերիայի արտացոլումը»¹:

Ինագիտական երեք մեծ հայտնագործությունները ամբողջ սրությամբ ամենևին էլ չզրեցին մեր գիտելիքների հարաբերականության իմացաբանական հարցը: Ահա թե ինչու բնագետներն այդ ժամանակ շանցան դիալեկտիկայի գիտակցված կիրառման: Ավելին, բնագիտական մեծ հայտնագործությունները, հաստատելով մատերիալիզմը և աշխարհի փոխադարձաբար կապակցված ամբողջության գաղափարը, միաժամանակ բնագիտության հետագա զարգացման մեջ գտան մեխանիստական մեկնաբանություն և նույնիսկ հաջողությունների հասան հենց այդպիսի մեկնաբանությամբ. խոսքը առաջին հերթին մատերիալիզմի կրնետիկ տեսության և ստատիստիկ մեխանիկայի մասին է: «Էներգիայի պահպանման և փոխակերպման օրենքի հայտնագործումը թույլ տվեց էներգիայի բոլոր ձևերը քանակապես գնահատել մեխանիկական միավորներով և դրանով իսկ, բնականաբար, այն միտքն էր ծնում, որ հնարավոր է բնության բոլոր երևույթների հանգեցումը մեխանիկական երևույթների», նշում է ֆիզիկայի պատմաբան Կուդրյավցևը և բերում է XIX դարի խոշոր ֆիզիկոս Բուլցմանի այն խոսքերը, թե «մեր դարը կկոչվի մեխանիկական աշխարհամբոնողության դար, Դարվինի դար»²:

Դայց դրա հետ միասին անցյալ դարի 70-ական թվականներից հետո բնագիտության մեջ սկսեցին հասունանալ ապագա հեղափոխիչ իրադարձությունների նախադրյալները: Էքսպերիմենտալ բնագիտությանը զուգընթաց սկսեց բուռն կերպով զարգանալ տեսական բնագիտությունը, որը, ի տարբերություն մինչև XIX դարի կեսերը գերազանցապես իշխող նյութաբանական հայեցա-

¹ Վ. Ի. Լենին, Երկեր, հատ. 10, էջ 51:

² П. С. Кудрявцев, История физики, том II, Учпедгиз, М., 1956, стр. 99.

կե.ոի, ձգտում էր ընդհանրացնել էքսպերիմենտալ բնագիտության հաջողությունները, ավելի ու ավելի հաճախ և համարձակորեն էր դիմում բնության այս կամ այն բնագավառի և առհասարակ մատերիայի կառուցվածքի վերաբերյալ ընդհանրացնող հիպոթեզների կառուցման, որոնք նյութոնյառն (ֆենոմենալիստական) տեսակետից կարող էին մտահայեցողական թվալ: Այդպիսի շրջադարձը դեպի տեսական մտածողությունը, պետք է ասել, ամենևին էլ փրկիսոփայության ծառայությունը չէր բնագիտության հանդեպ, այլ բխում էր բնագիտության ներքին զարգացման անհրաժեշտությունից: Էքսպերիմենտալ բնագիտությունը առանց այդպիսի ընդհանրացումների այսուհետև կարող էր փակուղու առջև կանգնել: Այսպես, նրա զարգացման համար էական նշանակություն ունեն էլեկտրական, մագնիսական, օպտիկական երևույթների բնույթի և ներքին մեխանիզմի վերաբերյալ հիպոթեզների ստեղծումը, որոնք թույլ տալին պարզել, թե ի՞նչ կապ կա այդ տարբեր բնագավառների միջև, որով և հնարավորություն ստեղծվեր որոշակի ուղղություն տալու էքսպերիմենտալ հետազոտությանը: Այս տեսակետից առանձնապես նշանակալի էին քիմիայի մեջ՝ Մենդելեևի գիտական հայտնագործությունը, ֆիզիկայում՝ էլեկտրամագնիսական երևույթների տեսության ստեղծումը: Այս վերջինս փրկիսոփայական հատկապես մեծ նշանակություն ունեցավ, որովհետև նրա առնչությամբ բարձրացող նյութի և դաշտի փոխհարաբերության հարցը անմիջական հետաքրքրություն էր ներկայացնում մատերիայի փրկիսոփայական հասկացության ըմբռնման համար և այս առումով թերևս առաջին խոշոր երևույթն էր, որը բնագետների առջև սուր կերպով դրեց հասկացությունների հարաբերականության իմացաբանական հարցը: Եվ իրոք, եթե մինչ այդ մատերիան ըմբռնվում էր որպես նյութականություն, ապա էլեկտրամագնիսական, գրավիտացիոն դաշտը որպես նյութական միջավայր բացատրելու փորձերը տառապում էին ակնհայտ թերություններով: Հարկ էր լինում ընդունել, որ նյութից (հին ըմբռնմամբ՝ մատերիայից) բացի գոյություն ունի ոչ-նյութական դաշտ: Այդպիսով սասանվում էր մատերիայի՝ բնագետներին միակ հայտնի հասկացությունը: Այնուհետև, եթե էներգիայի պահպանման և փոխակերպման օրենքի հայտնագործողները էներգիան չէին էլ պատկերացնում առանց մատերիայի, ապա հետագայում էլեկտրադինամիկայի զարգացման շնորհիվ ֆիզիկայի մեջ անհնար դարձավ մատերիայի սահմանումը առանց էներգիայի հատկություններին դիմելու: Մատերիայի դերը հանգեցվեց էներգիայի սոսկ կրողի դերին: Սկիզբ առավ և զարգացավ էներգետիզմը, որը վերջիվերջո մտացածին ֆիկցիա հայտարարեց մատերիայի հասկացությունը, իսկ միակ ռեալությունը՝ նյութականությունից զուրկ էներգիան: Նյութականության ժխտումը բնականաբար հանգեցրեց այն մտքին, որ զգայությունները մեզ չեն տալիս օբյեկտիվ առարկայի պատկերը, լուսանկարը, քանի որ նրանք նյութականացնում են փորձի մեջ դրված առարկաներն ու երևույթները: Մնում է սոսկ երևույթների նկարագրությունն այնպես, ինչպես դրանք տրված են զգայական փորձի մեջ, բայց ո՛չ այնպես ինչպես դրանք կարող են գոյություն ունենալ այդ զգայական փորձից անկախ: Զգայական փորձից անկախ առարկաների ու երևույթների գոյության և այդ փորձի մեջ անմիջականորեն չտրված (մտքով հասանելի) էության հարցն իսկ հայտարարվում էր սպեկուլյատիվ սխոլաստիկա:

Ռեալ կարիք չլինեի այդքան ծանրանալու էներգետիզմի վրա, եթե նրանից իրող փրկիսոփայական-իմացաբանական հետևությունները շատ բնորոշ չլի-

ներին մեր և նախորդ դարերի սահմանագլխում իրենց զգացնել տվող ազնոստիկական և սուբյեկտիվ-իդեալիստական տենդենցների համար: Սրան հակառակ, նույն ժամանակ հետագա զարգացում ստացավ ատոմիստական՝ մատերիալիստական ուղղությունը ֆիզիկայի մեջ, որը, հենվելով աշխարհի նյութականության և մատերիայի դիսկրետության կլասիկ պատկերացումների վրա, պաշտպանում էր այն տեսակետը, որ մեր զգայությունների և մտածողության օգնությամբ ձեռք բերված գիտելիքները օբյեկտիվ աշխարհի պատկերը, պատճենն են: XIX դարի վերջում ֆիզիկայի հաջողությունները՝ էլեկտրամագնիսական երևույթների, ներատոմային պրոցեսների, հատկապես էլեկտրոնի հայտնաբերումը լուրջ փորձաքար եղան ոչ միայն ֆիզիկայի մեջ այն ուղղության համար, որը վերջիվերջո էներգետիզմին հանգեց, այլև ֆիզիկայի մատերիալիստական ուղղության համար: Պարզ դարձավ, որ կլասիկ ֆիզիկայի (իսկ փիլիսոփայական առումով՝ մեխանիստական-մատերիալիստական) պատկերացումներով անհնար էր բավարար բացատրություն տալ նորահայտ երևույթներին:

Եթե մինչ այդ բնագետները խուսափում էին փիլիսոփայական հարցեր քննելուց, ապա նոր հայտնագործությունները, մասնավորապես կենսաբանություն, քիմիայի և հատկապես ֆիզիկայի բնագավառում, էապես փոխեցին բնագիտության և փիլիսոփայության փոխհարաբերությունը. բնագետների համար կենսական անհրաժեշտություն դարձավ առանձնապես իմացաբանական հարցերի լուծումը: Մատերիայի ընդհատության և անընդհատության հարցը, գրել է վերը հիշատակված՝ ֆիզիկայի խոշոր տեսաբան Բոլցմանը, «չի կարելի քննել առանց շոշափելու մի շարք այլ հարցեր, օրինակ՝ պատճառականության օրենքի էություն, մատերիայի, ուժի և այլ հարցեր, որոնց մասին էլ հենց ասում էին, թե... դրանք ամբողջովին պետք է թողնել փիլիսոփայության տնօրինությանը: Ներկայումս իրադրությունը փոխվել է, և բնախոյզները առանձին սիրով են զբաղվում փիլիսոփայական հարցերի քննությունը: Եվ նրանք միանգամայն իրավացի են»³:

Այսպիսով, երկու դարերի սահմանագծում ֆիզիկայի զարգացումը բնագետների համար հրամայական անհրաժեշտություն դարձրեց. նոր ձևով մտածելը, նոր մոտեցումը երևույթների բացատրությանը: Այգ նոր մտածելակերպը, նոր մոտեցումը կարող էր լինել միայն դիալեկտիկան:

* * *

Բայց նախքան բնագիտությունը իր իսկ ներքին զարգացմամբ կհասնի երևույթներին գիտակցված ձևով դիալեկտիկորեն մոտենալու անհրաժեշտությունը, փիլիսոփայության մեջ արդեն ստեղծված էր ավարտուն ուսմունք դիալեկտիկայի մասին:

Արդեն նախորդ դարասկզբին գերմանական իդեալիստական կլասիկ փիլիսոփայությունը, հատկապես ի դեմս Հեգելի, մեծագույն զարգացման հասցրեց մտածողության պրոցեսի, ձևերի և օրենքների ուսումնասիրությունը, դրանով իսկ սպառելով այն ամբողջ արժեքավորը, որի զարգացումը հնարավոր էր իդեալիզմի սահմաններում: «Մաքուր մտածողության» ոլորտում հայտնաբերելով հասկացությունների դիալեկտիկան, Հեգելը դրանց մեջ

³ Տե՛ս նույն աղբյուր, էջ 123:

կռահեց օբյեկտիվ աշխարհի դիալեկտիկան ևս, ասում է Լենինը: Դիալեկտիկայի մասին Հեգելի ուսմունքը, սակայն, որոշ բնագետների կողմից անբարյացակամորեն ընդունվեց, ուրիշների կողմից չըմբռնվեց և ընդհանուր առմամբ անծանոթ մնաց բնագիտությանը: Եվ դա ոչ միայն այն պատճառով, որ բնագիտությունն այդ ժամանակ դեռևս պատրաստ չէր նրա ընկալմանը, այլև ուրիշ հանգամանքների բերումով:

Հեգելյան դիալեկտիկան իր վերացական-սպեկուլյատիվ բնույթով խորթ էր փորձնական հիմքի վրա դարձացող բնագիտությանը, որը, չմերժելով տեսական ընդհանրացումների խոշոր նշանակությունը, միաժամանակ խիստ բացասաբար էր վերաբերվում դեպի մտային տեսական բարդ կառուցումները, «մաքուր մտածողությունը», շատ վերացական հիպոթետիկ եզրակացությունները և նամանավանդ դրանց ծայրահեղ արտահայտությունը՝ սպեկուլյատիվ մտածելակերպը:

Ավելին, հեգելյան դիալեկտիկան խորթ էր ժամանակի բնագիտությանը նաև իր իդեալիստական մեկնակետի պատճառով, որն իր կնիքն էր դրել Հեգելի կողմից դիալեկտիկայի ըմբռնման և մեկնարանության ամբողջ բնույթի վրա: Եվ բնական է, որ համարյա ամբողջովին մատերիալիստական հիմքի վրա խարսխվող բնագիտության ներկայացուցիչները մտքի մարդանմաններ էին համարում հեգելյան հանճարեղ մտքերը դիալեկտիկայի մասին, որոնք պարուրված էին իդեալիստական մշուշով:

Գաղափարական և սոցիալական այլ հիմունքների վրա նախորդ դարակեսին հանդես եկավ որակապես տարբեր, նոր ուսմունք դիալեկտիկայի մասին՝ Մարքսի և Էնգելսի տեսմունքը: Մատերիալիզմի դիրքերից նրանք յուրացրին հեգելյան դիալեկտիկան, բայց այդ յուրացումը դիալեկտիկայի պարզապես ընկալումը չեղավ. մատերիալիստական հիմքը էականորեն անդրադարձավ դիալեկտիկայի ըմբռնման ու բնույթի վրա: Մարքսը և Էնգելսը դիալեկտիկան գտան ոչ թե «մաքուր մտածողության» ոլորտում, այլ օբյեկտիվ իրականության զարգացման մեջ. հիմնավորեցին այն միտքը, որ սուբյեկտիվ դիալեկտիկան, մտածողության և իմացության պրոցեսի դիալեկտիկան օբյեկտիվ դիալեկտիկայի արտացոլումն է, այն միտքը, որ օբյեկտիվ աշխարհի ճշմարիտ արտացոլման համար անհրաժեշտ է մտածել դիալեկտիկորեն, որ մատերիալիզմը կարող է հետևողական լինել, եթե միայն ներթափանցված է դիալեկտիկայով:

Մարքսի և Էնգելսի այն դիտողությունը, որ բնագիտությունը վաղ թե տեղ պետք է ստիպված լինի իր հետազոտության մեջ անխուսափելիորեն անցնելու դիալեկտիկայի գիտակցված կիրառման, իր հաստատումը գտավ բնագիտության հետագա զարգացման թնթացքում: Միաժամանակ Մարքսը և Էնգելսը գտնում էին, որ բնագիտության հետագա զարգացումը կպահանջի մատերիալիզմի ձևի փոփոխություն: «Հետևաբար, — գրում է Լենինը. — Էնգելսի մատերիալիզմի «ձևի» ունիդիան, նրա բնափիլիսոփայական դրույթների ունիվերսալիտետն ո՛չ միայն իր մեջ ունի «ունիվերսալիտետական» բան չի պարունակում բառիս ընդունված իմաստով, այլ, ընդհակառակը, անհրաժեշտորեն պահանջվում է մարքսիզմի կողմից⁴: Սակայն, նախազգուշացնում է Լենինը, մատերիալիզմի ձևի փոփոխությունը չի նշանակում ընդհանրապես հրաժարումն մատերիա-

⁴ Վ. Ի. Լենին, Երկեր, հատ. 14, էջ 334:

լիզմի հիմնարար դրույթներից, այլ հանդիսանում է նրա հետագա զարգացում և կատարելագործում բնագիտության նոր նվաճումներին համապատասխան, ձիշտ այնպես, ինչպես որ պրոլետարիատի դիկտատուրայի մասին մարքսյան ուսմունքի կիրառումը պատմական նոր պայմաններում նշանակում է նրա զարգացում և կոնկրետացում այդ պայմաններին համապատասխան, և ոչ թե ռեզիդիոնիստական այնպիսի հետևությունների բխեցում, որոնք ըստ էության վերացնում են պրոլետարիատի դիկտատուրայի զալափարն իսկ: Ուրեմն, մեր դարասկզբին մատերիալիզմի ձևի փոփոխությունը նշանակում էր նրա հիմնական, հաստատուն և այդ փմաստով առփոփոխ դրույթների հետագա կոնկրետացում, նշանակում էր բնագիտության նորագույն հայտնագործությունների շնորհիվ մատերիալիզմի այս կամ այն կողմի քննություն նոր լույսի տակ և դրանով իսկ նրա խորացում: Այսպես, ասում է Լենինը, անհողողող է մնում էնգելսի չափազանց էական այն դրույթը, որ «շարժումն աներևակայելի է առանց մատերիալի»⁵: Ֆիզիկայի և քիմիայի հայտնագործությունների շնորհիվ օբյեկտիվ աշխարհի մասին գիտելիքների զարգացումը, հատկապես մատերիայի գոյության տարբեր ձևերի՝ նյութի և դաշտի մասին ուսմունքի ստեղծումը ցույց տվեցին, որ էնգելսի այդ դրույթը՝ որպես ընդհանուր, միանգամայն ձիշտ լինելով, միաժամանակ պետք է հիմնավորվեր այդ կոնկրետ բնագավառի համար, որովհետև առանց այդպիսի հիմնավորման առաջին հայացքից հակասում էր նորահայտ փաստերին: Բսկ այդ հիմնավորումը իր հերթին պահանջում էր դրույթի կոնկրետացում, մասնավորացում, նրա բովանդակության հարստացում: Եվ դա միայն տվյալ դրույթին չի վերաբերում:

Նորագույն հայտնագործությունների նկատմամբ մատերիալիզմի դրույթների կիրառումը, կոնկրետացումը սերտորեն կապված էր մեկ ուրիշ կարևոր մոմենտի հետ. այդ հայտնագործություններից անխուսափելիորեն բխում էին գնոսեոլոգիական հետևություններ, որոնք ֆիզիկոսներն իրենք շրջանցել ի վիճակի չէին:

Հարցն այսպես էր դրված. բնագիտության նորագույն հայտնագործություններից բխում էին փիլիսոփայական հետևություններ, որոնք մատերիալիստական ըմբռնումը հնարավոր էր միայն դիալեկտիկական փմացաբանության դիրքերից. իսկ դիալեկտիկա չիմանալու դեպքում դրանք անխուսափելիորեն սողանք էին թողնում ագնոստիցիզմի և սուբյեկտիվ իդեալիզմի համար: Մատերիալիզմի և իդեալիզմի դարավոր պայքարի գլխավոր թատերարենը դառնում էին իմացաբանական հարցերը: Հատկանշական էր, որ մատերիալիզմի դեմ իդեալիզմը հանդես էր գալիս հակադիալեկտիկայի դիրքերից, այնինչ մատերիալիզմի հետևողական պաշտպանությունը և հետևողական զարգացումը պահանջում էին դիալեկտիկայի դիտակցված կիրառում բնագետների կողմից, մասնավորապես իմացաբանական հարցերի լուծում դիալեկտիկայի դիրքերից:

Որո՞նք էին ֆիզիկայի հայտնագործություններից բխող իմացաբանական հետևությունները և այն պատճառները, որ հանգեցրին այդ հետևությունների ագնոստիկական և սուբյեկտիվ իդեալիստական մեկնաբանության՝ «ֆիզիկական» իդեալիզմին: Բացահայտելով այդ իմացաբանական հետևությունները և ցույց տալով «ֆիզիկական» իդեալիզմի իմացաբանական արմատները, Լենինը

⁵ ՏՆԷՍ՝ Վ. Ի. Լենին, Ներքեր, հատ. 14, էջ 230:

զարգացրեց դիալեկտիկական մատերիալիզմն ընդհանրապես և նրա իմացաբանությունը՝ մասնավորապես:

* * *

«Մատերիալ չքացալ» արտահայտությամբ լենինը ընդհանրացնում է այն տիպականն ու հիմնականը, որը հատուկ էր ֆիզիկայի հայտնագործություններից արվող ագնոստիկական և սուբյեկտիվ-իդեալիստական բազմաթիվ մասնավոր հետևություններին: Եվ իրոք, այդ հակիրճ և դիպուկ արտահայտությունը բովանդակում է ֆիզիկայի բոլոր զգալիությունները նորագույն հայտնագործությունների կապակցությամբ. էլեկտրոնի, էլեկտրամագնիսական դաշտի, ներատոմային պրոցեսների և այլ հայտնագործությունները, որոնք չէին համատեղվում մատերիային նախկինում վերագրվող հատկությունների հետ, դրանով իսկ մեկնաբանվում էին տրպես մատերիայի հասկացության ժխտում, իսկ այդ իր հերթին հանգեցնում էր մատերիալիզմի հերքման գաղափարին:

Քննության առնելով այս հարցը, լենինը ցույց է տալիս, որ մատերիային նախկինում վերագրվող հատկությունների ըմբռնման վերանայումը սոսկ նշանավորում է մատերիայի կառուցվածքի և ֆիզիկական հատկությունների մասին մեր գիտելիքների խորացում: Բայց որքան էլ զարգանան, վերանայվեն և նույնիսկ հիմնովին փոխվեն մեր գիտելիքները մատերիայի կառուցվածքի մասին, դա չի կարող որևէ կերպ սասանել մատերիայի փիլիսոփայական հասկացությունը, «որովհետև մատերիայի սլաք «հատկությունը», որի ճանաչման հետ կապված է փիլիսոփայական մատերիալիզմը, օբյեկտիվ ռեալություն լինելու, մեր գիտակցությունից դուրս գոյություն ունենալու հատկությունն է»⁶:

Բայց ինչո՞ւ մատերիայի նորանոր ձևերի ու հատկությունների հայտնաբերումը հանգեցնում էր հենց օբյեկտիվ ռեալություն լինելու գաղափարի ժխտմանը: Դա պարզելու համար պետք է նկատի ունենալ հետևյալը:

Բնագետների մատերիալիզմը մինչև մեր դարասկիզբը միշտ խարսխված է եղել գլխավորապես սենսուալիզմի և էմպիրիզմի վրա: Ահա թե ինչու մատերիալիստ բնագետի կարծիքով ոչ միայն մեր զգայությունների տվյալները, այլև մտածողական աշխատանքի արդյունքները՝ տեսությունները օբյեկտիվ աշխարհին համապատասխանում են անմիջականորեն՝ որպես հայելային արտապատկերներ: Նույնիսկ այն ժամանակ, երբ հանդես եկավ և զարգացավ տեսական բնագիտությունը, մատերիալիստ բնագետները, ավելի կամ պակաս չափով, ձգտում էին զգայաբար պատկերել և իրականության մեջ անմիջականորեն գտնել այն, ինչ տեսության մեջ ձեռք էր բերված ընդհանրացման և արևոտահաման միջոցով և արտահայտված էր արևոտակցիաների մեջ: Այդ ձևով սենսուալիզմը և էմպիրիզմը կապվում էին մեխանիցիզմի հետ. հիշենք էլեկտրականությունը որպես հեղուկային հոսանք կամ կորպուսկուլների վազք պատկերող տեսությունը, եթերի մասին տամոնքները և այլն, որոնք արևոտակցիաները սխեմատիկորեն և նյութական շոշափելի կերպով պատկերելու, վերացականը զգայական դարձնելու փորձերի մասին են խոսում:

Սակայն բնագիտության զարգացմանը զուգընթաց ավելի ու ավելի

⁶ Վ. Ի. Լենին. Երկեր, հատ. 14, էջ 346—347:

դժվար էր դառնում տեսական մտածողության արդյունքների այդպիսի սխեմատիկ և զգայական պատկերումը: Տեսական ընդհանրացումների և առհասարակ արստրակցիաների օբյեկտիվ նշանակության ճիշտ ըմբռնումը պահանջում էր դիալեկտիկական մոտեցում, ամենից առաջ ընդհանուրի և մասնավորի, վերացականի և զգայականի փոխհարաբերության դիալեկտիկայի ըմբռնում, օբյեկտիվ աշխարհի նկատմամբ միջնորդավորված դիտելիքների հարաբերության ճիշտ ըմբռնում: Բնագետներին դիալեկտիկական անժանոթ էր, նրանք խարխալելով էին գնում դեպի նրա ըմբռնումը և, բնականաբար, հանդիպում էին դժվարությունների: Իդեալիզմը չհապաղեց այդ դժվարություններն օգտագործելուց, և քանի որ այդ դժվարություններն առաջացել էին բնագետների՝ դիալեկտիկա շիմանալու պատճառով, ապա և փղեալիզմը հանդես էր գալիս հակադիալեկտիկայի դիրքերից:

Նախորդ դարավերջին հատկապես զարգացավ պոզիտիվիզմի փիլիսոփայությունը: Բնագետների շրջանում նրա լայն տարածման պատճառներից մեկն այն էր, որ նա հանդես էր գալիս սենսուալիզմի դիրքերից, բայց դա իդեալիստական սենսուալիզմ էր: Պոզիտիվիզմը քարոզում էր հրաժարումն բնագիտության արդյունքների փիլիսոփայական ընդհանրացումներից: Գիտության խնդիրն է, ըստ պոզիտիվիզմի, փաստերը և երևույթները նկարագրել այնպես, ինչպես դրանք տրված են մեր զգայարաններում, իսկ դիտական տեսությունը պոզիտիվիզմը համարում էր սոսկ հարմար կոնստրուկցիա, մտացածին սխեմա փաստերի կարգավորման և երևույթների բացատրության համար, ընդ որում այդ կոնստրուկցիան, այդ սխեման կարող է փոխարինվել նորով, եթե վերջինս ավելի լավ է բացատրում երևույթները:

Պոզիտիվիստական իդեալիզմի գնոսեոլոգիական արմատը նույնն է, ինչ և ամեն մի իդեալիզմին. «Մարդու իմացության երկատուումը և իդեալիզմի (կրոնի) ճնաճավորությունը, — դրել է Լենինը, — տրված են արդեն առաջին, տարրական արստրակցիայի մեջ...»¹ Եթե օբյեկտիվ իդեալիզմը արստրակցիաները դնում է աշխարհի հիմքում՝ որպես առաջնային, քանի որ գրանցում մարմնավորված և արտահայտված են առարկաների ու երևույթների էությունը, աշխարհի զարգացման օրինաչափությունները, նրա «տրամաբանությունը», ապա սուբյեկտիվ իդեալիզմը, ելնելով էմպիրիկ-սենսուալիստական դիրքերից, առաջնային է համարում մարդու զգայությունները, մտապատկերները և անիմաստ ֆիկցիա ու երևակայության արդյունք է հայտարարում ընդհանուրը և վերացականը, քանի որ այդ վերջինները ոչ մի զգայական փորձի մեջ (որպես ևզակի) տրված չեն:

Պոզիտիվիզմի այս իդեալիստական հայացքները զարգացան տեսական ֆիզիկայի զարգացման և բնագիտության հետ փիլիսոփայության կապի ուժեղացման պայմաններում՝ այն դժվարությունների ֆոնի վրա, որոնց ֆիզիկոսները և ընդհանրապես բնագետները հանդիպեցին օբյեկտիվ աշխարհի նկատմամբ տեսության ունեցած հարաբերության հարցի լուծման կապակցությամբ: XX դարի սկզբի նորագույն հայտնագործությունների առնչությամբ թուադետների առջև ծառացան նոր դժվարություններ. մասնավորապես պարզվեց, որ նորահայտ միկրոաշխարհի շատ երևույթների էության, նրանց օրինաչափ

¹ Վ. Ի. Լենին, Փիլիսոփայական տեսեր, Գետրադհրատ, 1947, էջ 308 (ուղղ. 1947 հրատ.):

կարգի և կապի արտահայտության միակ հնարավոր ձևը մաթեմատիկական հավասարումներն են. տեսական ֆիզիկան սկսեց վերածվել մաթեմատիկական ֆիզիկայի: Քանի որ մաթեմատիկայի յուրահատուկ լեզվով արտահայտված արատակցիաները սխեմատիկացիայի հնարավորություն չէին ընձեռում (անբավարար էին ստացվում ատոմի կառուցվածքի ու բնույթի, էլեկտրամագնիսական դաշտի զգայական մոդելավորման փորձերը), ապա և մեխանիստական-սենսուալիստական մոտեցումը բնականաբար փրկվում էր. սենսուալիզմի-մեխանիցիզմի տեսակետից ստացվում էր, որ մաթեմատիկական հավասարումներով ու բանաձևերով արտահայտված տեսությունը սոսկ ֆիկցիա է, բայց այնպիսի ֆիկցիա, որը մեզ թույլ է տալիս բավարար բացատրություն տալու զգայական փորձի տվյալներին: Այսպիսով ֆիկցիա էին դառնում մեր զգայարաններից դուրս գտնվող օբյեկտիվ ռեալության՝ մատերիայի մասին մեր բոլոր գիտելիքները, որոնք անհրաժեշտաբար ձևաք էին բերված տեսական մտածողության միջոցով և արտահայտված էին արատակցիաների, տվյալ դեպքում մաթեմատիկական արատակցիաների մեջ: Այս էր ֆիզիկայի մեջ իդեալիզմի փոստեռլոգիական առաջին արմատը, որի փիլիսոփայական արտահայտությունը եղավ էմպիրիոկրիտիցիզմը: «Ռեալիզմն ունի ձգտումները ծնունդ են առնում գիտության բուն պրոգրեսից. — գրում է Լենինը: — Բնագիտության խոշոր հաջողությունը, մոտեցումը մատերիայի այնպիսի համասեռ և հասարակ տարրերին, որոնց շարժման օրենքները թույլ են տալիս կատարել մաթեմատիկական մշակում, առաջացնում են այն, որ մաթեմատիկոսները մոռանում են մատերիան: «Մատերիան չքանում է», մնում են սոսկ հավասարումները: Զարգացման նոր ստադիայի վրա և իբր թե նոր ձևով ստացվում է կանտական հին իդեան. բանականությունն օրենքներ է հրահանգում բնությանը»⁸:

Այդ նույն պատճառով՝ տեսության, ընդհանրապես արատակցիաների և մասնավորապես մաթեմատիկական արատակցիաների դերի և էության թյուր ըմբռնման հետևանքով և իդեալիստական փիլիսոփայության ակնհայտ ազդեցության ներքո նույն գաղափարներն արտահայտվել են նաև հետագայում՝ Արևմտաեվրոպայի նույնիսկ ամենախոշոր բնագետների կողմից: Այդ գաղափարներից զերծ չէր էյնշտեյնը, մինչև վերջերս դրանք արտահայտում էր Սիլս Բորը, դրանք ուղղակիորեն քարոզում էր Հայզենբերգը: Այսպես, վերջինս գրել է. «Ժամանակակից ֆիզիկայում ատոմները կորցնում են նաև այդ վերջին հատկությունը (տարածականությունը — Հ. Բ.), դրանք երկրաչափական հատկություններով օժտված են ոչ ավելի, քան մնացած հատկություններով՝ գույնով, համով և այլն: Ժամանակակից ֆիզիկայի ատոմը կարող է սոսկ լիմիտիկ ձևով ներկայացվել մասնակի ածանցյալներ ունեցող դիֆերենցիալ հավասարումներով՝ արատակալ բաղմաչափանի տարածության մեջ...»⁹:

Բնագիտության փիլիսոփայության մեջ ներկայումս որոշակի տեղ է գրավում օպերացիոնալիզմը, որի հիմնադիրը և կարկառուն ներկայացուցիչը ֆիզիկոս Բրիջմանն է: Դա ըստ էության նույն էմպիրիկ-իդեալիստական՝ պոպիտիլիստական դպրոցի մի տարրերակն է: Միակ ռեալությունը համարվում

⁸ Վ. Ի. Լենին, Երկեր, հատ. 14, էջ 111—112:

⁹ В. Гейзенберг, Философские проблемы атомной физики, М., 1953, стр. 32.

է երևույթների աշխարհը, իսկ գիտական հետազոտության մեջ՝ փորձի ժամանակ զանազան գործիքների, սարքերի ցուցմունքները՝ սլաքի թեքվելը, լուսային ազդանշանը, քիմիական ռեակցիայի մեջ մտնող նյութերի գոծափոխությունը, ջերմաստիճանային փոփոխությունները և այլն, ընդ որում այդ ցուցմունքների օրյեկտիվ ռեալության հարցադրումն իսկ հայտարարվում է անիմաստ սպեկուլյացիա: Ինչ վերաբերում է գիտական տեսությանը, ապա նրա գերը փորձից ստացված ցուցմունքների սոսկ կարգավորումն է, սխեմամավորումը և այնպիսի բացատրության առաջաշումը, որը բավարարի այդ ցուցմունքներին: Բնականաբար, այդպիսի մտային կոնստրուկցիան առհասարակ չի կարող օրյեկտիվ ռեալականության արտացոլումը հանդիսանալու հավակնություն ունենալ:

Այսպիսով, պոզիտիվիստական հին ու նոր դպրոցները, այդ թվում և՛ մախիզմը, և՛ նեոպոզիտիվիզմի զանազան տարբերակները, մետաֆիզիկական էմպիրիզմի դիրքերից ելնելով, զգայություններն անջրպետում են օրյեկտիվ աշխարհից, այնինչ զգայություններն այդ աշխարհի արտապատկերներն են, զգայություններում տրված երևույթներն անջրպետում են մտքով հասանելի էությունից, այնինչ էությունը, որպես ընդհանուր, տրված է իր բազմաթիվ դրսևորումների՝ երևույթների մեջ: Դրանով ընագետների դիալեկտիկա չիմանալը և ռեակցիոն փիրիստիանների հակադիալեկտիկան տանում են դեպի սուբյեկտիվ իդեալիզմ:

XX դարի փիրիստիայական իդեալիզմի հակադիալեկտիկան մի առանձնահատկություն ունի, որը պայմանավորված է նրան ծնունդ տված հանգամանքներով՝ բնագիտության նորագույն հայտնագործությունների բնույթով: Այդ հայտնագործությունները ցույց տվեցին մարդկային գիտելիքների հարաբերականությունը, ցույց տվեցին, որ հարատև շարժման մեջ գտնվող, հարափոփոխ բնությունը, երևույթների անսահմանորեն բարդ բազմազանությունը, որակական անցումները ճշմարիտ արտացոլելու համար մեր հասկացությունները ևս պետք է լինեն վարդապետ, ճկուն, փոփոխական, իսկ այդ հասկացությունները գործառնող գիտնականը պետք է ըմբռնի դրանց այդպիսի բնույթը, դրանց հարաբերականությունը:

«Ֆիզիկական» իդեալիզմին ծնունդ տված մյուս պատճառը ռեյատիվիզմի, մեր գիտելության հարաբերականության սկզբունքն է, մի սկզբունք, որն առանձին ուժով փաթաթվում է ֆիզիկոսների վզին հին թեորիաների խիստ բեկման շրջանում և որը, դիալեկտիկան չիմանալու պարագայում, անխուսափելիորեն տանում է դեպի իդեալիզմ»¹⁰:

Նախ, տեսնենք, թե ի՞նչ է նշանակում մեր գիտելիքների հարաբերականություն:

Աբստրակտ մտածողության օգնությամբ ձեռք բերված մեր գիտելիքները որոնք ամրագրվում են հասկացությունների, դատողությունների, մաթեմատիկական բանաձևերի, տեսությունների մեջ, իրականությունը համապատասխանում էն ո՛չ բացարձակապես, ո՛չ լրիվ, այլ անուղղակի կերպով, մոտավոր կերպով, ինչպես է ենինն է ասում՝ իրենց տեսողանցով: Բացատրելով իրականությունը աբստրակցիաների համապատասխանության այս բնույթը, Էնգելսը նշում է երկու հանգամանք. փրականության մեջ յուրաքանչյուր օրինա-

¹⁰ Վ. Ի. Լենին, Երկեր, հատ. 11, էջ 412:

շտիությունն զործողությունը խաչաձևվում է ուրիշ օրինաշտիությունների միաժամանակյա գործողության հետ և կրում է դրանց ազդեցությունը, ինչպես և օրինաշտիության դրսևորման տվյալ, գուցե և տնկրկնելի պայմանների ու մանրամասների ազդեցությունը, իսկ մտածողության մեջ, արտահայտվելով արստրակցիաների մեջ և նրանց միջոցով, այն մաքրվում է այդ կողմնակի ազդեցություններից, տվյալ արստրակցիայի ստեղծման համար երկրորդական հանգամանքներից: Հենց այդ լանի շնորհիվ էլ գիտության ճանաչած յուրաքանչյուր օրենք համապատասխան պայմանների առկայության դեպքում կրկնվում է՝ որպես ընդհանրական: Մյուս կողմից, յուրաքանչյուր արստրակցիա իրականությունը համապատասխանում է մոտավոր կերպով՝ հարաբերական է աշխարհի երևույթների էության մեջ թափանցելու խորությամբ, էության արտացոլման ճշգրտությամբ, իր կիրառության սահմաններով: Այսպես, նյութերի ազդեցատային վիճակի հասկացության բովանդակությունը գիտության վարգացմանը զուգընթաց ոչ միայն հարստացել է նոր կողմերի ու հատկությունների իմացությամբ, այլև այդ հասկացության կիրառության ոլորտի ճշգրտամբ: Ամեն մի նյութի ազդեցատային վիճակը կախված է որոշ ջերմաստիճանի, ճնշման և այլ պայմանների հետ: Նույնը վերաբերում է ամեն մի արստրակցիայի՝ լինի դա անանձին հասկացություն, թե մի ամբողջ տեսություն: Նույնը կատարվեց նաև բնագիտության նորագույն հայտնագործությունների կապակցությամբ, որոնք ցույց տվեցին նախկին գիտելիքների սահմանափակությունը մատերիայի գոյության ու շարժման որոշակի ձևերով և այդ ձևերից դուրս (միկրոաշխարհի նկատմամբ) դրանք կիրառելու անհնարինությունը:

Այսպիսով, արստրակտ մտածողությամբ ձեռք բերված գիտելիքների համապատասխանությունը իրականությանը հարաբերական է: Այդ հարաբերականությունը օբյեկտիվ աշխարհի ճշմարիտ արտացոլման պայմաններից մեկն է՝ զարգացող աշխարհը վարգացող մտքով արտացոլելու պայմաններից մեկը: Ահա թե ինչու էնգելսը գրել է, որ «այն օրը, երբ հասկացությունն ու իրականությունը... բացարձակապես կհամընկնեն, կհասնի վարգացման վախճանը»:

Մեր գիտելիքների հարաբերականությունը, որպես օբյեկտիվ երևույթ, չի կարող շրջանվել և ընդունվում է դիալեկտիկական իմացաբանության կողմից: Դիալեկտիկան իր մեջ պարունակում է ռեկատիվիզմի մոմենտ, ասում է Հենինը և ավելացնում՝ բայց չի հանգում ռեկատիվիզմին: Իմացության մեջ հարաբերականության մոմենտը, ինչպես և ամեն մի այլ մոմենտ, չբացարձականացնելը բխում է հենց դիալեկտիկայի էությունից. այնպես դիալեկտիկան կոխարկվել իր հակադրության: Ըստ դիալեկտիկայի, մեր գիտելիքների հարաբերականությունը մեր իմացության միայն մի կողմն է արտահայտում, իսկ մյուս կողմը, մյուս մոմենտը մեր գիտելիքների մեջ բացարձակ ճշմարտության առկայությունն է: Մեր այն գիտելիքները, որոնց օբյեկտիվ ճշմարտություն չկան, հաստատված է պրակտիկայով, գիտության վարգացման համեմատ անփոփոխ չեն մնում կամ ամբողջովին դեն չեն նետվում. դրանք կարող են ճշգրտվել, փոփոխվել ու խորանալ, կարող են կոնկրետանալ բնության երևույթների անսահման բազմազանության որևէ կողմի նկատմամբ: Դրանով իսկ հաջորդ ժամանակաշրջանի գիտելիքների մեջ կմտնի նախորդ գիտելիքների մեջ եղած բացարձակ ճշմարտության հատկը, կմտնի կա՛մ անանձին

գիտելիքի ձևով, կա՛մ նոր ու հարուստ գիտելիքի ներսում՝ վերացարկված ձևով:

Մեր գիտելիքներին հատուկ՝ հարաբերական և բացարձակ ճշմարտության այս դիալեկտիկան միանգամից շրմբոնվեց բնագիտների կողմից: Կլասիկ ֆիզիկայի հասկացությունների փոփոխությունը, մատերիայի շարժման որոշ ձևերով սահմանափակված լինելու փաստի դրսևորումը, դրանց հարաբերականության դրսևորումը որոշ ֆիզիկոսների կողմից ընկալվեց որպես մեր գիտելիքների բացարձակ հարաբերականություն՝ ընդհանրապես և ամբողջովին: Ժխտելով ֆիզիկայի նախորդ գիտելիքների մեջ բացարձակ ճշմարտության առկայությունը, նրանք դրանով իսկ ժխտեցին այդ գիտելիքների օբյեկտիվ ճշմարտություն լինելը և առհասարակ օբյեկտիվ ճշմարտության հասնելու հնարավորությունը: Բացարձականացնելով իմացության հարաբերականության մոմենտը, նրանք այն հասցրին մարդկային հասկացությունների և տեսությունների մեջ օբյեկտիվ ռեալականության արտացոլման գաղափարի ժխտմանը: Ավելին, ագնոստիկական այս հետևությունների ծայրահեղ արտահայտությունը եղավ ընդհանրապես մարդու զգայություններից անկախ օբյեկտիվ ռեալականության ժխտումը՝ սուբյեկտիվ իդեալիզմը:

Իմացության հարաբերականության մոմենտի բացարձականացումը ունենում է այն հետևանքը, որ գիտական բոլոր տեսությունները հայտարարվում են սոսկ հիպոթետիկ, սոսկ այնպիսի հավանականությամբ օժտված, որը չի կարող հավաստիության հասնել օբյեկտիվ ճշմարտությունն արտացոլելու իմաստով: Բայց չէ՞ որ այս դեպքում կարող է լայն ասպարեղ բացվել կամայականության համար. տվյալ բնագավառի երևույթների բացատրության համար հավանական կարող են լինել մի քանի տեսություններ: Այս դեպքում ո՞րն է այն չափանիշը, ըստ որի պետք է ընտրություն կատարվի այդ տեսությունների միջև: Հարմարությունը և օգտավետությունը՝ ասում են պրագմատիստները. տրամաբանական հիմնավորվածությունը և անհրաժեշտությունը՝ ասում են կոնվենցիոնալիստները (Պուանկարե, Էդինգտոն) և տրամաբանական պոզիտիվիստները (Ռասել, Վիտգենշտայն, Կառնապ և այլն): Տվյալ դեպքում մեզ չեն հետաքրքրում նրանց կողմից բերվող փաստարկները և նրանց միջև եղած տարբերությունները, բայց բոլորի էությունը մնում է նույնը. գիտական տեսությունը տրամաբանորեն հիմնավորված մտային հարմար կոնստրուկցիա է զգայություններում տրված երևույթների բացատրության համար:

Դիալեկտիկական մատերիալիզմի դիրքերից երևելու դեպքում ագնոստիկական և սուբյեկտիվ-իդեալիստական այդ բոլոր հետևությունների շնորհիվ լուզվում է նախ, պարզվում է ընդհանրապես մատերիալիզմի հերքման մասին պնդման ողջ սնանկությունը: «Մատերիալիզմն ու իդեալիզմը, — դրել է Լենինը, — տարբերվում են մեր իմացության աղբյուրի հարցի, իմացության (և առհասարակ «հոյեկանի») ու ֆիզիկական աշխարհի հարաբերության հարցի այս կամ այն լուծմամբ, իսկ մատերիայի կազմության, ատոմների և էլեկտրոնների հարցը մի հարց է, որը վերաբերում է միայն այդ «ֆիզիկական աշխարհին»¹¹, Ուրեմն, մատերիայի մասին ֆիզիկական գիտելիքների փոփոխությունը և կուտակումը չի շոշափում իմացության աղբյուրի հարցը, օբյեկ-

¹¹ Նույն տեղում, էջ 345:

տիվ ճշմարտության գոյության հարցը, այն շոշափում է մեկ ուրիշ հարց՝ իմացության պրոցեսում հարաբերական և բացարձակ ճշմարտության փոխհարաբերության հարցը։ Շփոթելով այս երկու հարցերը և, կատարվող փոփոխությունների ազդեցության տակ, ժխտելով բացարձակ ճշմարտությունը, ֆիզիկոսների մի մասը դրանով իսկ հանգեց օբյեկտիվ ճշմարտության ժխտման։

Եթե բնագիտության նորագույն հայտնագործությունները չեն շոշափում մեր իմացության աղբյուրի հարցը, ապա և ընդհանրապես մատերիալիզմի հիմունքները չեն խաթարվում։ Բայց խաթարվում են մետաֆիզիկական և մեխանիստական աշխարհըմբռնողության հիմունքները, իսկ մատերիալիզմը անպայման կապված չէ այդպիսի աշխարհըմբռնողության հետ, որովհետև, ինչպես ասվեց, այն կապ չունի միայն իմացության աղբյուրի հարցի որոշակի լուծման հետ։ Մետաֆիզիկային և մեխանիցիզմին, գիտության զարգացման ներքին անհրաժեշտությամբ, փոխարինելու է դալիս դիալեկտիկան։ Բնագետներն ստիպված են դիալեկտիկան ընդունել և դիալեկտիկորեն մտածել, եթե նրանք ցանկանում են ճիշտ հասկանալ բնության երևույթները, բայց նրանք պետք է միաժամանակ մատերիալիզմի դիրքերում կանգնեն, եթե չեն ցանկանում հոգևոր սնունդ մատակարարել կրոնին և ֆիդեիզմին, դառնալ խավարամոլության դաշնակիցը ոչ միայն սոցիալական կյանքում, այլև գիտության ասպարեզում։

Դիալեկտիկական մատերիալիզմը, այսպիսով, դառնում է բնագիտության միակ փիլիսոփայական հիմքը։